

զի չէ այնմ իրի հմուտ: Եւ ևս տէֆտէրտարին յոյժ տանջեալ ասէ թէ թողէ՛ք զի ես զիս սպանեմ, և ոչ թողուն, այլ հարկանեն զհացածախն՝ թէ քարչեսցէ, և նա ոչ կարէ խեղդել: Եւ նա յոյժ տանջի յայտամանէ, աղաղակէ մեծաւ պառաջմամբ թէ թո՛ղ տուք զի ես սպանեմ զիս. քակեալ զձեռս իւր, տայ քաշելով յերկու կողմին պարանոցին և խեղդի խեղճ մահուամբ ի փառս գործակցին իւրոյ սատանայի:

Ուրբաթ օրս (9 Մարտ) վէզիրն թէպտիւ շուրջ եկ: Եւ այգուցս Շաբաթ (10 Մարտ) թագաւորին ըն . . . տա . . . (Բաւերը կորուսած):

ԺԱ-իս Կիրակի:

Բշի (12 Մարտ). Նէվուզ ասի ըստ բառի Տաճկաց:

Եշի (15 Մարտ) սպանեաց զՂուտտէն քէհեա Մէլէկ Ահմէտ փաշային և զՄէհմէտ էֆէնտին:

Շաբաթս (17 Մարտ) Յոհաննու (Երուսաղէմայ հայրապետին). շուրջ գայր թէպտիւ:

ԺԼ-իս օր Կիրակի. ի Հրեշտակապետ գնացաք մօտ առ Վարդապետն մեր:

Գշի (20 Մարտ). զարնանամուտ, և մեր Վարդապետն ի Ղալաթիա գնաց ի Սուրբ Լուսաւորիչ:

ԻՆ-իս օր Կիրակի. Թէքիրտաղու Տէր Պօղոսն ի մեր եկաւ:

Բշի օրս (26 Մարտ) զղատին փոխեցին զմեծն և եգին ի տեղի նորա զօրդի մուֆտուն այսմ:

Ապրիլ ամիս օր Կիրակի Լուսաւորչի. Մղտեսին հաց արար աղքատաց:

Բշի (2 Ապրիլ). շէհր էմինէ մանդուլ եղած ազան նեղացուց զմեզ վասն ցորենոյն, զոր տվեալ և զըստակն առեալ. այժմս ասէր թէ Ոչ առի զըստակն, և աստ և անդ տանէր. և սապիթ արարաք առաջի փաշային, և գնաց նա ամաւթալից: